

文苑英華卷第九百五十一

誌十七

職官十三

滄州刺史鄭孝本墓誌一首

華州刺史李懷讓墓誌一首



明州刺史李長墓誌一首

處州刺史李公墓誌一首

饒州刺史趙郡李府君端墓誌一首

賀州刺史武府君充墓誌一首

滄州刺史鄭公墓誌銘

孫逖

有唐之德讓君子曰原武男鄭公諱孝本字某榮陽開封人也父曰荊州松滋令乾瓚松滋之父曰大志祕書祕書

文苑英華卷第九百五十一



之父曰華州刺史襄城公諱某世有令德特稱華胄藩衍  
六姻阜昌百祿非夫緇衣之慶羔裘之仁平惠之勲厲宣  
之親則孰能光宗保族若斯之盛也公秉彝中和服義先  
訓孝惟不置友則因心敦詩以言習禮以立用此道也行  
於國施於政善氣潛暢清風高翔何嚮不可所居則化矣  
始以明經高第解褐潤州叅軍厥初奮庸克勤小物吏曹  
以文敏於從事也故與之縣授泗州虹縣令魯人稱之璽  
書降焉衛人賴之碑頌立焉先大夫張文耀人之望也典  
掌台衡督課郡國以公謀疑作為第一且曰雖居下邑聲  
一無聞上累疑繇天下長吏樂以為式若占疑於龜筮如  
此字疑法於象魏矣特勅授蒲州虞鄉縣令理如故迹帝是屬

乃詔公為隴右道廉察使堪其事也又為本道使杜求  
仁特表薦以賢舉也制授朝散大夫雍州鄠縣令已而求  
淳大饑關輔尤甚能布其德而恤災人不離散下無捐瘞  
乃耕乃畝嗣歲以登時皇儲監國多公善政特賜考詞褒  
異睿文光被列郡榮之改懷州司馬歷夏州長史以母老  
乞罷官優詔換瀛州長史東表不寧也命公為平州刺史  
兼文使知營府度支營田刺郡實邊能成二事中上之作  
也命公為洛陽令又轉洛州司馬理煩佐劇為則四方尋  
以丁徇難法職樂樂立人倫傷慟既練有制起復又除  
洛陽司馬公泣血固讓不獲已強拜禮從恩奪而瘠由哀  
甚忝君之命有以知奉上之心執親之喪有以見過人之



戚臣子之道仁遠乎哉尋除具州刺史轉安西都護以疾不堪詣部改授滄州刺史公自重拜洛師再臨河朔曾是遘閔常多移病隱几而敬讓興行閉閣而奸邪銷釋德敷于下具丘多請禱之人功格于上滄海有卧理之詔老氏云鎮之以無名之樸其在是矣聖曆元年九月以致仕終於東郡之敦行里春秋六十有七凡束帶在位三十餘祀理京師訓郊甸惠華夏清朔漠九變復貫百度惟貞其養人也寬而栗其行已也儉而一撫孤無隔於外姻博施不崇於內實蓋德行之具美而政事之首出壺遂深中未登漢皇之相國僑遺愛邊感鄭人之泣公娶於王氏夫人曰琅耶君公正疑員外令思之孫司刑大夫允壽之女

齊大作嬪韓樂淑慎威儀循守典禮雖責膺展狄而躬事組紉有鷄鳴之賢有螽斯之盛自嬰晝哭遂契明因忘心味禪悟理根善摠斯純懿貽厥高門宜錫難老何孤淨德以開元十八年五月終於東都懷仁里享年八十有四明年正月某日合葬於某所從先塋也嗣子尚舍奉御暉之兵部郎中倩之洛陽令俛之皆保世之主也克荷三徙之訓俱登五命之服養極其樂喪盡乎哀閔騫之人無間言石建之門傳孝道復見茲矣詩曰釐爾女士從以孫子原武有焉銘之下泉表是真宅銘曰原穴

明寫本下闕  
五行

大正五年  
卷之五  
六



華州刺史李公墓誌銘

常衮

天垂將星著在三象國有武柄寧于四方授鉞其難止戈  
斯重定封豕長蛇之孽致攀龍附鳳之功朱戟在門黃金  
橫帶命掌師旅化成公侯時有汧國公其人也公諱懷讓  
字某蓋漢將軍陵之後自五將失道家留隴山千年于茲  
因引貴族戎帳之下華風在焉奕葉相承久雄朔北本枝  
必復終茂隴西公則成紀人也曾祖廣壯武將軍右武衛  
將軍祖忠雲麾將軍左金吾大將軍贈銀青光祿大夫太  
僕卿父俱定遠將軍右驍衛將軍贈銀青光祿大夫秦府

都督積其勲望休有令名上將虎符延于三代列鄉屏

一作象榮及九原後嗣其昌吾門益大公生於陝右少以勇

聞重懸弧四方之事有長劔三軍之志去病籌畧不學兵

書賈達兒童即陳部伍人許封侯之相時歸拜將之望安

危成已任取富貴於掌上一日千里豈徒然哉以良家子

選羽林即騎射絕倫材官入侍射熊舊館戲馬前臺百步

應弦兩駮如舞便繁左右趨奉階闈疑作姹疑作侯嘉漢南屬

皇室艱難王師巡狩侍執羈勒扈陪寫輿節時見危捧六

龍於岐下口陳天命從五馬於田中披荆榛而執爨冒風

雨而持蓋中原行在實掌禁戎領護鈞陳典司環列出入

警蹕肅清扞擷羽衛甚嚴軍容益振夜合捨壘曉開旌門



擁佳氣於月營。橫大風于天仗。始自靈武。至于扶風。險阻屯蒙。未嘗離上。削平休泰。終契興王。從收京師。首列勳舊。於是出鎮左輔。建牙近關。扼天下之樞。走山東之盜。三秦巨防。萬里長城。闢屯田於斥鹵。強士馬於撫弊。仁以理軍。不聞半菽。知能料敵。豈在前茅。兼牧人御衆之才。得憂國奉公之禮。竹符兼剖。鈴閣長閑。百城歌之。政有經矣。公始自一命。驟更秩舉。其大者不可備書。歷臨彰府。折衝射生。供奉後以佐命功。特授鎮國大將軍。左羽林軍大將軍。知左神武軍事。加特進。兼鴻臚卿。左神武軍大將軍。封汧國公。又加開府儀同三司。充潼關鎮國軍使。同華等州節度使。華州刺史。使又兼御史丞。試殿中丞。尋拜御史大夫。

授工部尚書。並

一作兼

兼其旨務。雲從龍風從虎。以雄毅之累。

遇聖明之主。事與時並。名與功偕。位極文武。權分中外。勳書甲令。象列雲臺。大丈夫特達。有如此者。不知者壽。謂之何哉。廣德元年九月三日。薨于華州軍府。春秋若干。天子聞之。輟朝興嘆。特優命數。寵贈司空。詔發輜車。即日迎柩。列辟卿士。咸會喪焉。贈賻綵含。有加故事。京兆尹監護。內謁者致以訶。即以其年十月四日。陪葬建陵。旌勳臣也。將軍鹵簿。司空法駕。鉦車介士。前後鼓吹。觀者稱榮。懦夫增氣。百官臨吊。畢集孔光之門。五校送喪。直至鄧弘之墓。君臣之義。厚莫重焉。有子四人。前光祿少卿林光等。孝因天性。哀過禮經。克紹臧孫之後。咸稱文氏之子。史臣奉詔。謹



而誌之銘曰

有唐上將佐命通侯降神太白稟氣清秋弓落飛鴈劍衝  
斗牛少年戴鵝上陌鳴騶綉衣朱襪越戟吳鉤入隨夜警  
出從春蒐運屬艱難謀叅締構善行無迹大勇不闕三輔  
功名五原恩舊家榮鼎食廟列金奏翠羽在庭紫駟填厩  
寵私之盛誰出其右命所不與人之云亡萬乘震悼三軍  
悲涼謁者歸明群公會喪特陪玄闕未祔黃腸禮優同等  
恩茂舊章碑題蟲篆用紀龍驤

明州刺史李公墓誌銘

梁肅

大曆七年冬十月甲子前明州刺史李公寢疾終于晉陵  
之無錫私館嗚呼公諱長字某隴西狄道人其先自涼武

昭王玄盛七葉至皇朝工部侍郎岐州刺史義琛生吏部  
郎中綰綰生蔡州長史贈宋州刺史某某生公公生而聰  
明治左氏春秋舉孝廉初任貝州參軍三遷至國子主簿  
御史中丞盧弈司察旬服辟為從事天寶十五年集作大  
盜覆東周奔死節公遁脫而南會求王璘都督江左諸軍  
雅知公材將署于幕以畫公告不能無何璘果敗君子以  
公為知幾時肅宗在岐集有政朝廷擢良吏以慰郡縣不  
限官次多即授印綬丞相常見素表公可用牧民詔攝安  
州刺史考績既成真拜均州治中遷鄧州康允之叛南土  
大擾公會諸將以王命討不臣尺兵不喪凶黨大壞宛節  
之間民到于今受其賜上方勤恤下民重二千石之任不



暇登公於朝由是歷隨曹婺三州三州輯寧徵傳韓王王德既宣出為梓州又換明州時越初靜瘡痍未復公務穡勸分人安懷之及其去也如奪乳育嗚呼公凡歷官一十有四其剖符分憂者八享年七十其為人也剛毅寬明惠和而清所至之邦先以禮後以刑使人遷善遠罪而不知其止君子曰古之良史也初公無胤子命兄子某為後八年十月某奉公之喪及葬於河南萬安山之陽夫人博陵崔氏秦州掾孝之女既笄而歸于我以宣慈恭順享年五十先公而歿公為明州之二年以夫人之喪反葬萬安至是祔焉禮也夫惟天地之道可久若陵谷則無不遷也

銘曰

於惟公先寔曰庭堅作舜五臣為唐八元周道不行伯陽西遷晉失其政涼興勃焉武昭之孫宋州之子如珪如璧如松如梓集作杞爰在下位令聞疊疊帝曰休哉命牧南鄙在鄧有亂惟我行師寇戎既夷剖符于隨曹無罷人婺有去思或傳或藩受命咸宜爰自東南薄言旋歸謂天聰明胡不勅遺節彼萬安松栢九九倚歟齊姜同穴其間橫峙惟崧旁流洛川銘勒金石永昭億年

處州刺史李公墓誌銘

前人

公姓李氏諱某隴西城紀人也字曰公受其先在晉霸西涼在魏侯姑臧長發有光乃盛集無此字熾而昌五代集作世秦王府戶曹贈太子舍人某以恭德垂裕實公之大父水



部郎中眉州刺史某以宏材廣化實公之烈考禮部尚書  
 襄陽席豫以大名謚文實公之外祖公生而聰邁十六以  
 黃老學一舉登第十八典校弘文二十餘以金吾掾假法  
 冠為孟侯解湖南從事給事中賀若察宣慰南方請公為  
 寮佐其後宰東陽宣城二縣辟宣歙浙東二府府主崔侯  
 昭咨以小大之政由監察轉殿中侍御史建中初朝廷釐  
 飭百度高選尚書諸曹即拜公金部員外郎選吏部張鑑  
 集作鑑非節制大梁請公為授檢校吏部郎中兼侍御史使  
 輟遂退耕灑洛之間起家除陝州刺史換處州刺史累陞  
 至朝散大夫爵隴西縣男既授代家于鄱陽享年四  
 十有八以某年月日遣疾捐館夫人武城縣君清河崔氏

一女未亂公母弟曰舟有季方之賢茹哀問卜以某年  
 月日奉輜車歸葬于洛陽某鄉原禮也嗚呼當漢道之盛  
 賈誼董生桓譚馮衍皆以高才鉅名或位淪下國或廢落  
 田里夫豈不遭明時不識明主哉蓋運有通躋事有離合  
 不可以一經集無此字理言也惟公有孝友仁謙集作謀之德文  
 學政事之美卓立不羈之才竟委遲半途僻典荒服且乏  
 鄧攸之嗣而終管輅之年時歟命歟可為慟哭者已始公  
 之孤喪過乎哀丁內艱也東陽之人飲集作飲公惠憫公荼  
 毒行泣集作助祭既除而止奉歸宗之姑惟敬與愛原闕

明鈔原缺十二行

卷之三十一

五



饒州刺史趙郡李府君墓誌銘 顧况

粵攷春秋叙事之實趙郡東祖源流甚長衛州刺史嘉祚  
曾孫榮州刺史璿孫贈尚書郎銛子諱端字公表官由臺  
省興元少尹少府監出泉饒二州刺史叅佐不書畧也貞  
元八年秋七月終于郡署年六十一明年八月庚申窆於  
鳳山之東原嗚呼神明無質君子能通其意以為教本仲  
尼聞教微言七十子揚大義去聖雖遠其七十子之季孟  
乎至於饒禮將驅俗經以道俗饒之人始有講睦之聲上  
真不吊疑作我渠諱昔桐鄉蕃夫猶葬桐鄉桐鄉之人

皆祠之今饒之葬如此嗚呼列章載云精神天之父骸骨  
地之父此言骸骨滅其精神不滅者何從心上變起而生  
展促常讀衆聖之書上於釋典如川及海之無翻流蘧蘆  
疑作爐父處奮迅泥滓宜諸精爽黜陟幽明亦由是也夫人  
贊皇郡清河崔氏從其子拭盡力哀敬記石陵谷求質天  
壤銘曰

蘭桂有叢以薰其風却鞞舊氏厥祖惟東吁嗟府君其命  
不融精神本天不在乎地舊國飛魂新塋掩隧逝不可止  
哀何不既

賀州刺史武府君墓誌銘 符載

武氏之得姓遠矣府君之世家貴矣左右僕射司徒太尉



尚書令楚僖王士讓之玄孫九江王弘度之曾孫納言司徒同中書門下平章事定王攸暨之孫尚書膳部員外郎徐州刺史勝之子外祖母為玄宗皇帝之姑皇妣為肅宗之姨豫章之根大天津之流廣稷華靈潤鍾于府君焉府君諱克字虛受墻岸魁峙操履堅峻蘊之文武辯有口才一作蘊文武盛材辯有口喜立名跡以排難拯時為事業始以高廕補函館生解褐授洪州南昌尉操利刃也次授潤州江寧尉馳驥足也自廣州司士掾轉陳州錄事參軍甲子歲蔡賊希烈叛猛用兇器逆師至于襄城遣裨將鄭貴貴以精卒一萬來逼我城焉刺史薛寶任公如臂指憑公如金湯鎮躬成立陵呼嘯為矛戟寇用懾息不得攻取井邑完固我之

為俄而大梁陷茲地孤險實慮吞奪遂馳謁劉宣武不免介冑而說之換兵鬪騎動如響答保安寃竟我功一作公綽焉劉司徒嘉其威毅咨其策畫延致幕府以為賓榮是時希烈赫然東平勢雄或相寵亂以膏濟火公復驅皇華之車長之以心管論之以逆順張之以禍福示之以機宜秘謀飛辯得走虜反掌之勢由是淄青致寧陵之師解陳州之圍合匡君之力摧兇邪之氣破堅陣擒宿將平姦隙結歡好誅逆將在茲一舉得不謂三寸之舌賢於百萬之師乎司徒表其勲績亟聞乎闕下累遷尚書虞部員外郎報功也無幾何丞相府除退歸鄭郊五六年間居易食貧雖四方禮辟日至其尸不苟其所從也適值有土一作者



對其不答或用陰訕遂有臨賀之拜焉至郡教民以慈愛  
 易俗以禮讓達其志意通其嗜慾曾未朞歲大用治理嗚  
 呼南方氣炎春秋稍高冀遷元土養護餘齡居任凡六霜  
 竟困于足痺年六十九以貞元十八年夏五月丙戌卒于  
 官舍遺孤扶護以十九年秋七月戊子葬于榮澤之廣武  
 原禮也嗚呼才與命二者難并今古其猶病諸上帝實司  
 之為之柰何以公之行業誠信宏才敏識宜躋上位利及  
 庶物而纔止尚書郎二千石牢落遠地竟至于殂纓紱之  
 士愁憤慨息可勝道哉夫人隴西李氏朝散大夫秘書丞  
 和光之女母儀陰教輝華士族先公數歲而歿至是而合  
 柩焉嗣子曰異曰典溫厚謹良奉承家風茹荼毀瘠動中  
 禮從子沈貳其窀穸之事以余為舅之友也見托焉  
 曰  
 悠哉悠哉位不勝才一郡褊小六年徘徊逸翮徒張高風  
 不來炎微墮落縉紳悲哀舊槓新墳榮澤之隈冥冥鸞鳳  
 同棲夜臺

七月初六日聽雨於抱素書屋校定此卷改訂凡  
 五十字  
 沈氏記



文苑英華卷第九百五十二

誌十八

職官十四

戴容州叔倫墓誌一首 崔饒州適墓誌一首

陸欽州叅墓誌一首 李郴州伯康墓誌一首

崔房州述墓誌一首

朝散大夫容州刺史戴公墓誌銘 權德輿

維貞元五年夏四月容州刺史經畧使侍御史譙縣男戴公至部之三月以疾受代四車既駟六月甲申次于清遠蹊而薨春秋五十八明年正月庚申返葬於金壇王京原之舊封宜叙世德以識幽窆云公諱叔倫字幼公本譙國人也其先在宋為公族於漢為儒宗東漢則司徒涉西晉則



有司農遠集作遠速後南渡始居丹徒八葉至宋臨湘侯

明寶明寶魯孫梁左丞高昌玄孫皇德州司士好問公之

曾王父也王父係循集作循譽父眷用皆自縻天爵不顧翹車

傳次君之禮文盡通樂昔師安道之晦德尤惡知名故世

風純慶及公而發公早以詞藝振嘉聞中以材術商功利

終以理行敷教化師集作率履素王之訓周旋君子之儒淑

聲休問苾苾昭暢初摠衣於蘭陵蕭茂挺以文學政事見

稱蕭門文本華華而長於比興樂為集作馬采章集作馬鏘如

璫集作璫是鼓鍾于宮累辟太府分命於計相也則為湖南

河南留後自秘書正字三遷至監察御史曳裾於賢王也

為湖南江西上介由大理司其轉至尚書祠部郎中其

年人成化也則東陽一同之人沐旬歲之治撫人飲集作飲

三年之惠容人被踰月之教夔人聞詔而歡承訃而哀不

及蒙其澤歷官十一而雲安不書所至之邦必刻金石始

在轉運府也量則集作董賦於南荆會蜀將楊琳擁徒阻命詔

書告諭初革至集作無革志宵引鏡卒劫脅使臣曰歸我金幣

可以紓死公山立不撓勇生於仁端其詞氣強於師旅暴

疾知感乞盟於公黎明率其徒西嚮拜泣指京師臣列狀

六字集作指期天子召對而推功於府不伐其勞時談翁

然勇讓具舉其在臨川也清明仁恕多省費方畧蜀郡崇

儒之化南陽均水之法精力區處民以便安田壤耕闢獄

拜清淨居一年璽書褒異就加金紫未幾而有容州之拜

拜清淨居一年璽書褒異就加金紫未幾而有容州之拜



且都督集作府所治列城十三訓戎撫俗之任招徠式遏  
之寄非通方明畧無以威懷蓋皇慈所軫先於柔遠方將  
希愷悌於夷落致風俗於休嘉議者以九伯二南可跂而  
至天則不弔未如之何君直清篤厚博物通理有大學之  
明誠大雅之疏達靜如淵泉動如鎔干不緇不磷與令問  
終始起布衣儒服位視方隅歸全之日纔具祭器去國見  
麾幢之盛返葬備祔輶之儀列松楸於舊封展牲牢於新  
薦哀榮之禮鄉黨稱焉初公娶京兆常氏永州長史采之  
女繼室以博陵崔氏殿中侍御史殷之女皆淑明柔嘉不  
幸早世胤子曰郅曰加年甫及亂哀如成人公仲兄新城  
長伯倫以予夙承公歡且有遺託既不獲讓是用直書銘

曰

信都九江文禮章章百代彌光司徒佐漢司農匡晉乃熾  
而昌世無違德時有通塞或行或藏克生容州貴為諸侯  
其道直方政成中和播為頌歌化被二邦列爵疏土燦爛  
龜組鸞聲鏘鏘宜享繁祉以媚天子今也則亡還葬故里  
遷集作山之趾德音不忘

朝散大夫使持節饒州諸軍事守饒州刺史上柱  
國崔君墓誌銘  
前人

傳陵崔氏為東山右族以政事方直稱者曰饒州刺史諱  
適字某貞元十四年某月甲子寢疾終于所部之廨舍春  
秋若干君仁厚信實方嚴清厲詞無枝葉而顧言必踐交



不諂實而與人必誠深於士行精於吏職蓋其天性然也  
 一命為懷州叅軍累遷至大理評事司直監察御史好時  
 武功二縣令常絳二州司馬乃理富平遂佐興元貞元十  
 一年春以西諸侯之師轉粟調食特拜倉部郎中兼御史  
 中丞以董其事其年冬徵拜衛尉少卿明年改鄧州刺史  
 麾蓋將行文換鄱陽歷官十五竟未克量其為御史也賈  
 常侍至以才名尹轂下實所慰薦為之賓介蔣常侍況以  
 公廉幹河運交辟將事弘助居多其宰封畿也縣鄙之地  
 直于西郊禁衛之師勤于左次事為之節官修其方軍興  
 人安闔境誼誦其佐晉陵也晉國韓公當撫封之重署為  
 推官輅傳所至平反審克假守新定之人宜之薄於進取

未數月引去其領陵邑也克奉肅敬里閭均安集作黠吏

強家望風累息相率屏匿者十八九其分憂為邦約已惠  
 人樂易而知禁清明而不擾此皆歷職必聞之效也至若

章章尤著為士君子之所景行者則奉使西土鄙能言之  
 縣官以乘塞宿兵旌旄相望饋餼之重非君莫可就集作

而經費出納制於中臺尅伐之人順非言利大率以布帛  
 之不中於度不鬻於市者積以竄濫備其名物移用於軍

增三倍之價平糴於人無一時之蓄掠是根本命為竒贏  
 既衰邊備實蔽理道時有覆視誨其相蒙徒列簿書之文

不登釜鍾之量因緣繆巧集作觸類而起君受命不苟臨

事風生條其積弊盡達聰耳集作雖信信之吠營營之飛



置於度外不直不已連章上懇詞旨深切群情惴駭處之  
恬然謝病乞告終無所屈皇明嘉納入亞九卿時縉紳之  
士多以憑暴為戒怵迫附離而不能自固者多矣如君之  
特立剛毅不更其守古之儒行何以加之集作嘉焉此德輿所  
以受其孤之哀請而不敢辭也君之曾祖玄基皇朝散大  
夫會州長史祖紹先皇揚州揚子縣尉父冕皇大理司直  
兼河南府河陰縣令代名土行裕是遺烈初君娶于某氏  
某官某之女生子曰包而歿繼室以某氏某官某之女皆  
有淑行如君之志以十四年某月日叶用吉卜附窆於河  
中某縣鄉原之舊封禮也初包以德輿朴而好直且嘗奉  
行君之命書者四乃列其官簿次第俾識于墓石既而包

毀瘠滅性天於倚廬之中諾其請矣故銘之曰

崔君之直兮不枉尺兮崔君之正兮不由徑兮展如之人  
宜錫蕃祉兮天實奈何一麾遄已兮檐檐帷裳來自鄴之  
陽兮峩峩丘封葬于河之東兮刻此貞珉識清風兮

使持節欽州諸軍事守欽州刺史賜緋魚袋陸君

墓誌銘

前人

君諱叅字公佐吳郡人曾祖某某官考某某官君蚤孤與  
兄隱居于越有佳山水率子弟耕汲於其中因集作日修桑  
門之法積落人事貞元初兄既歿始為宗姻士友所強慨  
然有應知己之心錄試佐環衛歷大理評事攝監察御史  
秉行佐黔中又以殿中侍御史內供奉佐浙東凡四居憲



臧介二方伯皆有直聲休利邦人宜之十二年所從既罷  
 繼之者并至率以重禮禮君終不能屈非所樂而不苟合  
 故也朝廷宗公賢大夫多悅其風十六年徵拜祠部員外  
 郎君二年執事者上言其才請為劇曹會東方守臣表二  
 千石之缺天子方加恩元元循責吏理面命執事曰誠如  
 是姑使為郡須其報政集作加好爵遂拜歙州刺史在  
 途發瘍夏四月二十日三字集作景字卒於洛師享年五十五夫  
 人河東柳氏殿中侍御史弁之息女才淑有賢行長子某  
 年在羈貫嗣子某未離襁抱夫人既得吉卜具集作且以孤  
 藐之詞請表墓於父友故鄙夫泣書於寢門之外而不讓  
 云君峻而通直而和群而不黨至於流俗之齷齪細人之

集作文非

集作發非

姑息屑屑汲汲之態不萌於胷中器度夷遠英華發外居  
 常無怵迫臨事有風節同心定交造次以之評議鑒裁精  
 明不惑從善親仁發於肺腑文章弘朗有作者風格學不  
 為人與古為徒嚮使登其年充其量束帶公朝其骨鯁魁  
 壘之士與嘗與故虔州刺史隴西李公受故右補闕安定  
 梁寬中今禮部郎中京兆常德符右補闕廣平劉茂弘祕  
 書郎趙郡李叔翰方外士右諭德博陵崔公頴暨予友善  
 藏夫相視莫逆行二十年洪範之攸好德儒行之遠相致  
 今則已矣可勝慟耶時貞元十八年集作歲直鶉首秋七  
 月甲子鏤堅石而銘曰

皦皦陸生中和粹清直如朱紱潔如白珩或默或語不將



不迎如何斯人。晻忽冥冥。靈靈下輩。戩穀或丁。曄曄芳蘭。嚴霜飄集作零。命不可問。死不可作。集作死嗚呼陸生。

使持節柳州諸軍事權知柳州刺史賜緋魚袋李

公墓誌銘

前人

君諱伯康字士豐隴西成紀人自涼武昭王玄孫文穆公冲為元魏僕射司空與兄穆侯恭侯惠侯莊公中秉樞揆外顯方國文穆公二子長曰廷實廷實次曰休慕論道追命皆至司徒蟬聯茂盛冠於百族君即叔氏司徒之後也曾祖仲進皇宣州司馬祖僑皇河南府澠池縣令父愔皇朝議大夫宗正丞贈濮州刺史三葉用晦仕不過郡佐縣令夫與司宗籍而天爵崇茂士林嚮仰君以才實克家清方入

官始為知己者所薦授閬州司倉掾轉下邳福昌奉先三縣尉皆有能名建中三年調補御史臺主簿成奉未下以太夫人寢疾歸侍藥膳明年丁內難集作衣裳外除迫嚴君子之命復調為長安尉時王師清宮銜輅初復武人干吏理轂下為多事邑之細大必決於君每歲考績為府中最貞元五年再集茶蓼終喪猶毀不交人事屏居池陽以耕植自業九年春西鄙不靖詔城五原以備邊卿坊節將選重賢佐以厚禮辟君實董塞門之役不愆于素抑有勞焉拜監察御史轉殿中丞賜以章紱尋遷侍御史加檢校工部員外郎九十四年徙官為卿上介伐謀而卿之師以律拆獄而卿之人不寃十八年從守臣來朝行次中部所



從復於左轂護其輜輶以至京師。庀具會事稱情中禮。十年秋七月拜柳州刺史。精力惠養蠲除煩苦導利省嗇而人不擾廉平信厚而吏知方。今相國左丞鄭君頃移佐茲郡知君也。熟泊入總綱轄盛推理行再筦宰政方圖陞明斯言未復奄忽彫落時永貞元年十月某日甲子春秋六十三。悲夫君天資器幹機用強敏夷易疏通不移名聲學尚周給集作洽而緣情甚集作其麗業履端脩而睦姻尤甚。時人多知君吏理過於文行唯故相太傅盧恭公今相國左丞鄭君哀鄙人實知之而棲遲下國迫阨委化斯可歎已。夫人范陽盧氏宣城縣令晁之女。華緒令儀執笄佐饁先於君歿二十年矣。嗣子盧氏縣尉操次子前明經掖吏

皆以孝謹而承訓義居集作君令弟長安主簿少安請急喪集作喪事崩波勤遠自荆抵洛泣奉輜車以元和元年某甲子葬于某縣某原之舊封。君子曰於長安之兄之喪有以見同氣之痛德輿以中外伯仲周知所履刻石紀事朴而不誣銘曰

柳之政兮理平君之行兮廉清矧有深知兮秉國之成亟言於朝兮將陟其明窘然符守兮奄忽冥冥膏臆約結兮未摠平生道途自遠兮廣柳芻靈風雨所交兮卜洛佳城元龜是貞厚載是寧吁嗟乎內兄

房州刺史崔公墓誌銘

前人

公諱述字元明博陵安平人自東漢長岑長濟北相代擅



雕龍之美濟北五代至晉大司農弘司農八代至北齊右  
 僕射昂僕射三代至公曾祖皇朝散大夫冀州武邑縣令  
 諱紹大父同州白水縣尉諱頊烈考晉州汾西縣令贈定  
 州刺史諱昇之代有文行懿德為北州冠族公夷雅溫粹  
 安舒廉靜於座右銘得含元之妙於政論得理道之奧以  
 之修身以之蒞官蓋家法積厚而公能踐之之故也始自  
 官衛試守未滿冠而為藍田尉已有嘉聞尋轉婺州浦陽  
 令揚州兵曹參軍皆以吏理著稱故碎書交委命書隨之  
 歷監察御史再為侍御史五字集作殿中侍御史實佐壽潭洪  
 三邦車賦之重拊循輯睦繫上介是賴府遷于荆薦言于  
 朝拜著作郎虞部員外郎論著奏議率循憲矩不毀方以

求合不游徑以取捷貞元十二年出為房州刺史承長帥  
 剛嚴之理當輿師饋餼之殷暴征繼起煩言狎至而能推  
 情廣身以裕勞人惻隱所被四封嘉靖十七年秋九月辛  
 酉感疾捐館舍春秋五十七夫人京兆韋氏承公宮之訓  
 為女士之表允合姓二紀柔而正勸以義之道備焉其孤  
 文伯武伯等學通禮籍姿性循至斬焉相視泣奉裳帷以  
 冬十一月甲子柩葬于東都某原禮也初公仲兄左庶子  
 安平公有重名於時安平所與游者公皆從而游焉故常  
 與賢士大夫推集作古今世道博約論辯摠之於詞凡數  
 千言因曰勝質之文吾所甚懼彼奔集作馳塞路者既不  
 可遏又惡用斐然之為取遂輒削去其用晦如此行義醇



備慈仁任恤安平既即世伯兄繼歿猶子之鮮巾結禱先  
 於巳子故不舉火之日男未仕女未行其於疾則十起衣  
 無常主雖伯魚稚春不能如集作加嘗加焉群從族姻均祿直以  
 賙其乏不結黨友不趨聲利常集作加嘗加欲脩性息跡考一丘  
 之樂而未克齒與位皆負其實奄然不淑為知者所歎建  
 中初德輿遇公于九江之西其後辱安平戴公集作侯是之知  
 於公獲南容之卷刻石志美不敢曼辭而實錄焉銘曰  
 齊稱大風漢有文宗雋賢歲狴以續昭融坦坦房陵勞謙  
 孝恭優游祿仕惟道之從素履不華黃裳在中乃儀列星  
 乃飾伏熊居易處厚有物有終魂氣杳冥諸孤哀恫圓誓  
 大蔡先遠攸同刻茲貞珉永賁丘封

文苑英華卷第九百五十二

校正三十四字閱畢二卷大雨猶未止也

七月初六日



文苑英華卷第九百五十三

誌十九

職官十五

陳汝州利貞墓誌一首 鄭舒州甫墓誌一首

崔永州敏墓誌一首 鄧貴州墓誌一首

凌和州準墓誌一首 柳柳州宗元墓誌一首

汝州刺史陳公墓誌銘 穆貞

唐貞元五年秋七月汝州防禦使汝州刺史兼御史大夫  
東都畿汝州都防禦左軍兵馬靜戎郡王陳公直發首已  
酉命牙門將鮮于侍進奉書告辭元戎尚書安平公以受  
恩忘死非其死為恨又命嘗同百戰之將王進達等十數  
人以忠蓋王事為別又命嗣子少英以孝敬繼夫人為誠



庚戌歸于私第辛亥薨八月孤少英與家老故吏及龜筮

謀得宅兆于州東石樓山之陽辛酉葬公諱利貞范陽人

祿山之亂始自平盧越海歸國累建戎効從太尉臨淮王

光弼軍于河南寇攻睢陽垂陷太尉常遣心腹瓜牙之師

郝廷玉合諸侯之衆趨之公輒以輕騎赴如林之旅入其

腹出其背如颺如星庭玉奇公之才謂已不逮拔於行間

以其子妻之繩于臨淮列為重將其後庭玉入備宿衛出

鎮河隴公實從之凡十遷大將軍太常卿太子賓客特進

開府靜戎郡王至御史中丞隴右都知兵馬使其所置者

皆如釋宋之事希烈之亂詔以哥舒曜為汝洛節制俾公

之前隊佐之事疑作軍次汝墳不終日城拔又以次襄邲

軍火至公以馬步五百當強寇萬人立為奇兵橫擊其右

兇黨退却一作數月不前襄下城守拒有備由此効也希

烈自統二字一作空豺狼之衆至而圍合矢石雨下晝夜

不息外築壘道與城相屬公登陴捍敵身均士卒勞則先

之逸則後之凡不櫛不沐非以我事當見我帥不下城者

七十餘日我帥蒼黃自援亂不能遏叛將庭芝謀害之者

數四陰為之制使不得發俄而朱泚以關中僭逆凡幽薊

河隴之卒嘗隸於泚千里之外應之公與庭芝所統皆泚

之舊也庭芝果以其衆作亂公之麾下亦帶甲而從之中

宵難作公仗劔當轅門而立呼曰如有過此門者當殺我

而後過由是其衆定而庭芝逸故有專城之拜其為州也

而後過由是其衆定而庭芝逸故有專城之拜其為州也

而後過由是其衆定而庭芝逸故有專城之拜其為州也



奉土以不遺撫下以不擾是以廉使盡其政疲人安其理  
春秋五十有八前後歷官二十二封爵四從戎許國垂四  
十年不須史忘忠敬之心不一日蹈汗染之跡起鼓鞞之  
下登諸侯亞相與茂勳寵祿相與終始可不謂之大丈夫  
之致乎安平公出涕之外餘有復慟疑作後有餘慟將吏等遑遑  
相弔徃徃如在前夫人早夭後夫人隴西辛氏實大原節  
度相國金城王之女髮首類血以庀喪具長子少英幼子  
壬癸永懷陵谷見託爲銘其詞曰  
蒼蒼平原鬱鬱高墳下有泉戶永閉虎臣豈伊虎臣亦曰  
賢守勤銘貞石示千古後

舒州刺史鄭公墓誌銘

前人

有唐循吏故舒州刺史滎陽鄭府君諱甫字某享年五十  
有四歷官一十有二以貞元六年冬十月辛丑卒于東都  
崇讓里第十一月諸孤家老得請於元龜奉府君之喪歸  
祔于祖實鄭州滎澤縣廣武原庚寅下其先吏足徵也十  
代祖曄元魏建威將軍南陽公魏氏定五姓冠百族曄以  
官婚人物甲子特選厥後歷周隋洎皇朝凡六葉至於魯  
祖仁愷密毫二州刺史祖慈明銀青光祿大夫濠州刺史  
考令璉銀青光祿大夫國子祭酒重名貴仕照燭相續府  
君少以門資奉俎豆于太廟調習書判趨等擢祕書省校  
書郎歷京兆府藍田尉大理評事二宗山陵詔求多士以  
集大務攝京兆府戶曹參軍畢事改授大理司直遷監察



御史實佐時宰充營田使判官轉殿中侍御史罷授尚書  
祠部員外郎兼侍御史充宣歙青苗稅戶使朝于京師拜  
和州刺史廉使今居守公奏課第一錫命屢降凡兩加特  
階一賜金印紫綬且以借留之典副之後遷舒州刺史而  
歷陽之積疑作績累載之美布於下車之初乃至訟不煩於  
聽令不費於言賦調事理吏勸人逸初祭酒府君殞於鎬  
惟王事世故泊龜筮之不叶未遑還葬至是累疏陳乞優  
詔曰俞解印端歸遺孺于道哀哉夫人清河崔氏故中書  
令趙國公圓之子也以地之貴天之淑致善乎府君之家  
不幸早世殞于所次俟夫異日遷而合焉有子九人長男  
曰適左衛率府倉曹參軍次曰奉方志于學未亂有女二

曰疑長適范陽盧士深妻未笄者四其執喪致毀長適  
於禮幼如成人兄子前鄉貢進士權導諸孤之請見訪為  
誌嗚呼今方夏之內靡攻伐之患丞嘗所墮在於富而教  
之府君之生蓋明主歎息之所求也其歿也豈獨舒人和  
人之相弔歟迹其二府已然之理可使太史公班孟堅之  
徒從而紀之以及於後今也遺愛故事結于人之深者止  
於輟春墮淚日月至而逝焉然則銘之於墓亦其次也銘  
曰  
生貴行道道貴及物苟有可稱其誰不沒猗歟府君政及  
生人自我煦育二邦如春不知者命溢至孔殛託體山河  
與之終極



朝散大夫永州刺史崔公墓誌銘 柳宗元

維元和五年九月十五日壬子永州刺史崔公薨于位享年六十八已未殯于路寢庚寅遷神于舟以某年某月日歸葬于某縣某原祔于祖考吏部侍郎贈戶部尚書府君之墓尚書諱猗玄宗南巡內禪聖嗣府君以謀畫定命起一旅以復天下厥功載焉尚書之先曰貴鄉丞贈太常少卿府君諱子美太常之先曰揚州江陽集作都丞府君諱道禎行高位卑華冠士族公諱敏字某承世德之清源浚之以蠲潔以端其志采群言之枝葉植之以茂實以脩集作循其能始由右千牛備身佐環衛更蓋屋三原藍田尉仍有大故三從集作徙同位繼受許州臨潁汝州龍興令推以直

道二邑齊風哥舒曜尹河南黥集作鯨寇猾驚黎人播越表

公為河南尉糗糧芻芡戎備畢給版圖田洫民事時又遷

揚州錄事參軍實吳越集作楚之大都會也政令煩繁貢奉

叢沓一日不葺鐫譙四至公為之優游有裕長史司徒杜

公與之揖讓夷集作異於賓僚入為太子司議郎拜歸州刺

史崑險湍悍人類鳥獸古號難理公克有聲遷永州刺史

朝散大夫惟是南楚風浮俗鬼戶為胥徒家有襍梗大者

虐鰥孤以盜邦賦毆愚蒙以神訛言悖于政經莫有禁禦

公於是脩整部吏黜侵凌牟漁者數百人以付信于下而

征貢用集擒戮妖師毀煮蒿滯昏者千餘室以舉正群枉而田閭克和寬以容物直以率下邦人方安其理縉紳猶



爵其望體魄遽降哀何有窮嗚呼公前夫人徐州參軍榮陽鄭鉅女有子曰義和早夭後夫人萬年尉范陽盧彤女嘉淑之德繼聞宗族有子曰貽哲貽儉克承于家洎公之兄子曰勵曰禮誠願誌于墓無忘公之德銘曰

孰為德門清河濟源垂芳著慶集作遠哉法法又作其流法法自葉流根

世有顯懿揚其清芬炳煥集作煥炳增華昭于後昆惟魴與鯉

舊史孰集作是尊孰為茂功尚書清風藹其有融勃焉而興

披草從龍布令諸夏敷和六戎赫矣太陽克昇于中孰為

惠政公嗣餘慶形于謠詠小程其功大遂其性黠吏是省

妖風以正于邦于家集作于邑于邦又作施于邑邦克揚休命孰為遺愛

公去昭代邦人斯悔始焉是賴今也何載集作戴孰葬我公

于洛之會何以銘之徽音不昧

試大理司直兼貴州刺史鄧君墓誌銘 前人

君諱某字某南陽人漢司徒禹之世也曾祖倚皇建川浦

城集作連州普城非令祖少立皇滄州司馬考邕皇右集作左武衛

兵曹參軍惟君敏給以御下廉忠以承上幹蠱之稱洽於

諸侯謹言之跡彰于所蒞故自始仕以至沒世未嘗無聞

焉初以試太常寺奉禮郎更職於劔南湖南江西前後連

帥咸器其能以柄於事於劔南則停擬閣實以循蜀本官作脩

刑盡哀敬之情致淑問之頌寬猛之適克合於中於湖南

則外按雋城內專平準蒞音人錫石之地參鳧氏鼓鑄

之功溢山告祥國用益贍吏無並緣以巧法人無怨讟以



苦役人集作處斯職莫能加焉於江西則旁輯傳置下繩

支郡俾無有異政以一於詔條財賦之重待君而理無何

邕州經畧使路公恕奏署試大理評事兼貴州刺史叅帷

幕之任董龜虎之威夷俗敬愛革面受事朝廷將以武定

南服命安南大校御史中丞趙良金為邕州復以君兼招

討判官錄其異能奏加司直昇招討副使兼統橫蠻疑作

廉貴三州事龍茸之下直道有立獮得之內義威必行賦

增而不擾法一而無憾然以憂慄間於多虞卒成耳目之

塞道致齒牙之猾元和五年五月二十一日疾卒於公館

年五十五明年某月日返葬於潭州某原夫人隴西李氏

大理評事練之女年三十三貞元十六年終于郴州有子

四人曰贊曰某贊十二年矣哀禮具焉京兆尹弘農公始

由湖南為江西再以君為從事知之最厚痛君之能不施

於劇任惜君之志見屈於群疑且以誌授宗元使備其闕

古者觀其所使而知在上之德今也觀其所使集註而知

在下之誠嗚呼可無辭乎銘曰

勇姓之裔司徒隆漢惟君是承有植有集作幹始厲奉常

出叅藩翰議讞西蜀平其徃狂巡視南楚總茲條貫貿遷

化居貨殖攸贊改煎鎔範貢輸增筭既飭財賦亦專傳館

去牧荒陬肅其聽斷敎敷以息暴戾斯道行非選事進不

避難始賴其寧終聞見憚疾與憂積忠集作隨愧散年極

中身葬茲高岸才耶命耶君子與歎

志



文苑英華 卷一百一十五  
和州刺史

四字集作連州員外司馬

凌君權厝誌

前人

年月日尚書都官員外郎和州刺史連州司馬富春凌君

諱準卒于桂陽佛寺先是六月告于州刺史博陵崔君曰

余嘗學黃帝書切脉視病今余肝伏以瀝腎浮以代將不

臘而死審矣九余之學孔氏為忠孝禮信而事固蜀本作故

謬卒不能有示乎世者命也臣道無以明乎國子道無以

成乎家下之得罪于人以謫從集作徙醜地上之得罰于天

以降被罪疾余無以禦也敢以鬼事為累又告為老氏者

某曰余生於辰今之遇集作寓戊辰戊衝也吾命與脉叶其

死矣乎吾罪大懼不克歸柩於吾鄉是州之南有大岡不

食吾甚樂焉子其以是葬及是咸如其言云孤夷仲求

以其先人之善余也勤以誌為請嗚呼君字宗一以孝

聞于其鄉杭州刺史常召君以訓于下讀書為文章著漢

後春秋二十餘萬言又著六經解圍人文集未就有謀畧

尚節氣明人之急出貨力猶棄糶糶年二十以書于丞相

丞相以聞試其文日萬言擢為崇文館校書郎又以金吾

兵曹為邠寧節度掌書記淫之亂以謀畫佐元戎常有功

累加大理評事御史賜緋魚袋換節度判官轉殿中丞

集作此字侍御史府喪罷職後遷侍御史為浙東廉訪使判官

撫循罷人按驗汙吏吏人敬愛厥績以懋粹然而光聲聞

于上召以為翰林學士德宗崩逾臣議祕三日乃下遺詔

君獨抗危詞以語同列王伾畫其不可者十六七乃以旦



日發喪六師萬姓安其分遂入尚書乃以文章侍從由本  
官參度支調發出納姦利衰止以連累出和州降連州居  
母喪不得歸而二弟繼死不食哭泣遂喪其明以沒蓋君  
之行事如此其報應如此夫人高氏在越孤四人南仲殷  
仲在夫人所未至執友河東柳宗元哀君有道而不自於  
天下離愍逢尤天其生且又同過故哭以為誌其詞哀焉  
銘曰

銘詞沈痛公亦  
以此自抒其憤也

噫凌君生不淑學孔氏揚蔡集作芬郁好謨謀富天祿讎禁  
書贊推轂觀靈龜獲貞卜徒集作東越翊明牧罷人蘇汧  
吏覆升侍從躬啓沃匡危疑與大福吏尚書徒隸肅佐經  
邦才用足道之躡身則辱焉江垂九疑麓仍禍凶遺茲誌  
能知命無怨毒罪不泯死猶慘何以葬南嶺曲魂有靈歟  
鄉復封茲壤歸骨肉為之銘志陵谷

柳州刺史柳君墓誌銘

韓愈

子厚諱宗元七世祖慶為拓拔魏侍中封濟陰公魯伯且  
真為唐宰相與褚遂良韓瑗俱得罪武后死高集作中非宗  
朝文粹皇考諱鎮以事母棄太常博士求為縣令江南其  
後以不能媚權貴失御史權貴人死乃復拜侍御史號為  
剛直所游皆當世名人子厚少精敏無不通達逮其父時  
雖少年已自成人能取進士第斬然見頭角衆謂柳氏有  
子矣其後以博學宏詞授集賢殿正字集作授校書郎藍田尉 俊傑  
廉悍議論證據今古出入經史文粹百子踔厲風發率常



屈其座人名聲大振一時皆慕與之交諸公要人爭欲令  
出我門下交口薦譽之貞元十九年由藍田尉拜監察御

史順宗即位拜禮部員外郎遇用事者得罪集作文粹作十九年拜監

察御史王叔文帝執詔用事拜尚書禮部員外郎日將大用遇叔文等敗例出為刺史未至又

例貶文粹有未字州司馬居閑益自刻苦務記覽為詞章泛濫

停蓄為深博無涯涘而自肆於山水文粹有之字間元和中嘗

例召至京師又偕出為刺史而子厚得柳州既至嘆曰是

豈不足為政耶因其土俗為設教禁州人順賴其俗以男

女質錢約不特贖子本相侷則集注作許沒為奴婢子厚與設

方計悉令贖歸其尤貧力不能者令書其備足相當則使

歸其質觀察使下其法於他州比一歲免而歸者且千人

衡湘以南為進上者皆以子厚為師其經承子厚口講指

畫為文詞者悉有法度可觀其召至京師而復為刺史也

中山劉夢得禹錫亦以集無此字在遣文粹作遣中當請謫州子厚

泣曰播州非人所居而夢得親在堂吾不忍夢得之窮無

辭以白其大人且萬無母子俱往理請於朝將拜疏願以

柳易播雖重得死罪罪死不恨遇有以夢得事白上者夢得於

是改刺文粹無此字連州嗚呼士窮乃見節義今夫平居里巷

相慕悅酒食游戲相徵文粹作適逐詡詡強笑語以相取下握

手出肺肝相示指天日泣涕誓生死不相背負真若可信

一旦臨小利害僅如毛髮比反眼若不相識落陷穽不一

引手救而集無此字反擠之又下石焉者皆是也此宜禽獸夷

引手救而集無此字反擠之又下石焉者皆是也此宜禽獸夷



狄所不忍為而其人自視以為得計聞子厚之風亦可以少媿矣子厚前時少年勇於為人不自貴重顧籍謂功業

可立就故坐廢既退又無相知有氣力得位者集有推故

卒死集作厄於窮裔才不為世用而集粹無道道不行於時也

使子厚在臺省時文粹有亦字自持其身已能如司馬刺史時

亦自不斥斥時有人力能文粹作解舉之且必後用不窮然子

厚斥不父窮不極雖有出於人其文學詞意集作章必不能

自力以致必傳於後文粹作不能自以力傳於後如今無疑也雖使子

厚得所願為將相於一時以彼湯此孰得孰失必有能辨

之者子厚以元和十四年十一月八日集粹作十月五日卒年四

十七以十五年七月十日歸葬集作萬年縣先人墓測子

厚有子男二人長曰周六始四歲季曰周七子厚卒乃

女集有子字二人皆幼其得歸葬也集作資皆出於文粹無此字觀

祭使河東裴君行立行立有節槩重然諾與子厚結交子

厚亦為之盡竟賴其力葬子厚於萬年之墓者舅弟盧遵

遵文粹作可承文粹人性謹順學問不厭自子厚之斥遵從而家焉

遂其死不去既往葬子厚又將經紀其家庶幾有始終者

銘曰

是惟子厚之室既因既安以利其嗣人

按正二十有八字

七月初六日



文苑英華卷第九百五十三

文苑英華卷第九百五十四

誌二十

職官十六

崔虢州玄亮墓誌一首

鄭滁州朗墓誌一首

邢歙州羣墓誌一首

李處州方玄墓誌一首

虢州刺史贈禮部尚書崔公墓誌銘 白居易

唐有通四科達三教者曰惟崔公公諱玄亮字晦叔其先出於炎帝至裔孫穆伯受封於崔因而命氏漢初始分爲清河博陵二祖故其後稱博陵人曾祖悅洛州司戶叅軍贈太子少保祖光廸贈贊善大夫考杭揚州司馬兼通事舍人贈太子少保集作師妣太原王氏贈晉陽郡太夫人公即少師季子解褐補秘書省校書郎從事宣越二府奏授



協律郎大理評事朝廷知其才徵授監察轉殿中歷侍御  
史膳部駕部員外郎洛陽令密州刺史公集有至密密民

之凍餒者賑恤之疾疫者救療之齒體集作未殯者命藏

葬集作之男女過時者為嬪集作娶之三月而政立二年

而化行密人悅之發於誣誅換歙州刺史其政如密先是

歙州集無民畜牛馬而生駒犢者官書其數吏緣為姦公

既下車盡焚其籍孳息貿易一無所問先是歙民居其集

此山險而輸稅米者擔負跋涉勤苦不支公許其計斛納

緡賤入貴出官且獲利人皆忘勞農人便之歸如流水朝

廷聞其政徵拜刑部郎中謝病不就俄改湖州刺史政如

密歙加之以聚羨財而代逋租則人不困謹茶法以防

吏則人不苦脩堤塘以備旱歲則人不饑罷民集作賴之

如依父母入為秘書少監改曹州刺史兼御史中丞謝病

不就拜太常少卿遷諫議大夫屢上封章言行職舉上召

對加金紫以獎之假貂蟬以寵之未幾朝有大獄人心惴

駭勢連中外眾以為寃百辟在庭無敢言者公獨進及雷

危言觸鱗天威赫然連叱不去公遂置笏伏陛極言是非

血淚盈襟詞竟不屈上意稍悟容而聽之卒使罪疑從集

惟輕實公之力既而真拜用集作旌忠臣由是正氣直聲

震耀朝右縉紳者相賀曰集作賀國有人焉國有人焉公

以為名不可多取退不必待年決就長告徑遵歸路朝廷

不得已途拜太子賓客分司東都公濟源有田洛下有



宅勤誨子弟邀招賓朋以山水琴酒自娛有終焉之志無  
 何又除虢州刺史蓋執政者惜其去將欲馴致而後用之  
 大和七年七月十一日遇疾薨于虢州廨舍天子廢朝一  
 日贈禮部尚書周行士林聞者相吊宗族交友靡不出涕  
 遺直遺愛公兼有焉嗚呼公之將終也遺誠諸子其書大  
 畧云吾年六十六不為無壽官至三品不為不達死生定  
 分何是過哀自天寶以還山東士人皆改兩京利於便近  
 惟善一族至今不遷我沒宜歸全于滏陽先塋正丘首義  
 也送終之禮集作務從儉薄保家之道無忘孝悌吾玉磬  
 琴留別樂天請為墓誌云爾夫人范陽盧氏先公而歿有  
 子九人長曰煜通事舍人次曰芻言等言舉進士次曰縵

集作縵中牟尉其下皆幼稚煜等哀毀孝敬號護輜翣以九  
 年四月二十八日用大葬之禮歸窆于磁州招義縣磁邑  
 鄉北原遷盧夫人而合祔焉遵理命也公之丁少師憂也  
 退居高郵其地卑濕泣血卧苦者三載因痼集作痺其兩  
 股焉逮于終身集有不能趨拜從弟仁亮竄謫巴南歿而  
 無後公先命長男煜護喪歸葬後命幼子聰繼絕承祧自  
 宗族及朋執間有死無所歸孤無所依者公或祭之葬之  
 或衣之食之或婚之嫁之侯齊二家之類是也故閨門稱  
 其孝群從仰其仁交遊服其義不可謂德行乎公幼嗜學  
 長能集作屬文以詞賦舉進士登甲科以書判調天官入  
 上等前後著文集凡若干卷尤工五言七言詩警策之篇



多在人口其餘製述作者許之可不謂文學乎公之典密

歎湖也理化如此集作可不謂政事乎居大諫騎省也忠

讜又集無如此可不謂言語乎公夙慕黃老之道集作齋

心受籙服氣鍊形暑不流汗冬不挾纊膚體顏色冰清玉

溫未識者望之疑神仙中人也集作在湖三載集作歲修三元

道齋每集無輒有綵雲靈鶴回翔壇上久而去之集作之而去

前後置齋七八而鶴來儀者凡三百六十其內脩外感也

又集無如此可不謂通於大道乎公之晚年又師六祖以

無相為心地以不二為法門每遇僧徒輒論真諦雖耆年

宿德集作皆心伏之及易簣之夕大怖將至如入三昧恬

然自安仍於遺疏之末手筆題云斃榮斃悴敲石火即空

即色眼生花許時為客今歸去大曆元年是我家其鮮空

得証也又如此可不謂達於佛性乎摠而言之故曰通四

科達三教者也居易不佞辱與公遊者三十餘年年老分

深定為執友况奉遺札託為斯文且慙鄙陋不敢辭讓銘

曰滏水之陽鼓山之下吉日吉土載封載樹嗚呼博陵崔

君之墓

滏州刺史鄭公墓誌銘

前人

周宣王封母弟桓公于鄭厥後因封命氏為滎陽人鄭自

桓公而下平簡公而上世家婚嗣咸載集作于史諜故不

書公諱朗字某五代祖諱某北齊尚書令是集作為平簡

公曾祖某下邳集作郡太守王父諱某衛州刺史皇考諱

公曾祖某下邳集作郡太守王父諱某衛州刺史皇考諱



某祕書郎贈鄭州刺史公即祕書第三子好學工詞賦舉進士中第判入高等始授郾城尉無何本郡守移地部州民有暴悖者相率遮道麾呵不去公忿其犯上立斃六七人採訪使竒之奏署支使改浚儀主簿轉大理評事兼佐漕務集作豫非彭果領五府奏公為節度判官會果坐賊連累僚佐貶光化尉移向城尉歷北海尉時安祿山始亂傳檄郡邑邑人孫俊鄧羅伽毆市人劫廩藏以應公時已去秩因奮呼率寮吏子弟急擊之殺俊羅伽盡殲其黨由是一邑用寧朝廷嘉集作美之擢授登州司馬尋轉長史累加朝散大夫入為太子左贊善大夫尚書屯田員外郎太子中允出攝淄州刺史俄改集作埃萊州連有善最詔授檢校

勳郎中兼侍御史充青萊登海密五州租庸使太尉李公光弼鎮徐州奏公為節度判官改太子左諭德屬海州沂州饑盜賊起詔除沂州刺史充海密沂三州招討使加正議大夫賜紫金魚袋公惠威舊著比至部而蒼山賊帥李浩與其徒五千來降由是三郡底定復入為衛尉少卿相國王公縉統河南奏公為副元帥判官未幾除祕書少監兼滁州刺史本州團練使居八載政績大成大歷十三年二月十五日薨于揚州權窆于某所享年七十有八公凡七佐軍四領郡俸不積滯衣食無常主常嘆曰以飽煖活孀幼以清白貽子孫是吾心也逮啓手足卒如其志先是太夫人嘗寢疾公衣不解帶髮不櫛者彌年侍疾執



喪憂毀過禮公尤善五言詩與王昌齡王渙之崔輔國輩  
聯唱迭和名動一時迄一作今著樂府詞播人口者非一

晚賦思舊遊詩百二十篇亦傳於代前夫人清河崔氏贈

清河郡太君後夫人博陵崔氏贈博陵郡君生子七人長

子雲達有才名至刑部侍郎京兆尹公由京兆累贈官至

散騎常侍刑部尚書次子徵終潤州司馬次子公達一作

有至行初以公年高不就仕及居憂廬墓泣血三年淮南

節度使本道黜陟使洎朝賢袁高恭等累以孝弟稱薦嚮

名教者慕之今為侍御史上柱國滄景節度叅謀次子方

達衡州司士叅軍次子震陽二字集當塗集作次子

震弼集作幽州叅軍公自捐館殆逾三紀家國多故未克

及葬至元和五年移集作遷于鄭州新鄉縣某原祔先祕

書塋二夫人從馬時京兆已即世諸弟在下位獨侍御史

銜恤考集作事考備終始見託追謚銘于墓石銘曰

世祿德門斯之謂可久懿文茂績斯之謂不朽二千石之

祿七十八之年斯之謂貴壽內史之顯揚柱史之孝行斯

之謂有後嗚呼鄭公榮如是哀如是又何不足之有

歙州刺史邢君墓誌銘 杜牧

亡友邢渙思諱群牧大和初舉進士第於東都一面渙思

私自約曰邢君可友後六年牧於宣州事吏部沈公渙思

於京口事王并州俱為幕府吏二府相去三百里日夕聞

渙思飲助并州鉅細合宜後一年牧奉沈公命北渡揚州



聘丞相牛公往來留京口并州峭重入幕多賢士京口繁  
要游客所聚易生譏議并州行事有不合理言者不入渙  
思必能奪之同舍以爲智不以爲顯并州以爲賢不以爲  
僭侵游客賢不肖不能私諭議集作譏以一詞公事宴懼渙  
思口未言足未至缺若不圓牧曰往年私約邢君可友今  
真可友也盧丞相商鎮京口渙思復以大理評事應府命  
今吏部侍郎孔溫業自中書舍人以重名爲御史中丞牧  
以補闕爲賀客孔吏部曰中丞得以御史爲重輕補闕宜  
以所知相告牧以渙思言中丞曰我不素知願聞其爲人  
牧具以京口所見對後旬日詔以爲監察御史會昌五年  
渙思由戶部員外郎出爲處州時牧守黃州歲滿轉池州  
與京師人事離濶四五年矣聞渙思出大喜曰渙思果不  
容於會昌中不辱吾御史舉矣渙思罷處州授歙州牧自  
池轉陸欽州相去直西東二百里問來人曰邢君何以爲  
治曰急於束縛黠吏冗事弊政不以久遠必務盡根本牧  
曰邢君去縉雲日稚老泣送於路用此術也復問閑日何  
爲曰時飲酒高歌極歡牧曰邢君不喜酒今時飲酒且歌  
是以不用繫集作繫慮而不快於守郡也復問曰日飲幾何  
曰嗜羶肉日再食牧凡三致專書曰本草言是肉能閉血  
脉弱筋骨壯風氣嗜之者必病風數月渙思正握管两手  
反去背仆于地竟日乃識人果以風疾發舟東下次于睦  
兩扶相見言澁不能拜語及家事曰爲官俸錢事骨肉親



友緣集作手皆盡蓋壯未期病病未期死今病必死未死

得生至洛幸矣妻兒不能知矣君進士及第歷官九歷職

八始太子校書郎協律郎大理評事監察御史京兆府司

錄殿中侍御史戶部員外郎處州刺史歙州刺史職為浙

西團練巡官觀察推官度支巡官再為浙西觀察推官轉

支使為戶部員外郎判度支案代劉稹為制使使鎮魏科

集作軍食賜緋服銀章初副李丞相回再副高尚書銖撫

安上黨三面征帥大中三年六月八日卒於東都思恭里

年五十邢氏周公次子靖淵封為邢侯國滅因以為氏西

漢字為太尉子綏為司空曾孫也世宗光武時為驃騎將

軍世宗玄孫顥因居河間當曹魏時叅大祖丞相事終於

太常邢有河間南陽君實河間人太常後也後至晉魏已

降皆有官祿唐麟臺郎仲集作舉於君為曾祖麟臺生奉

天令待封奉天生緱氏丞至和君即緱氏子兩娶前夫人

隴西李氏忠州刺史佐次女今夫人南陽張氏壽州刺史

植女四男曰懌集作温郎壽郎用某年某月某日葬于

偃師縣某鄉某里某原葬有月日其孤立使者哭告于柩

來京師請銘銘曰

十五知書二十有文三十登進士五十登刺史才能温良

并包與之而止於斯七政在天一廻一旋差以釐數能窮

如集作賢賢者多天不肖壽考誰為聖魁孔不能究無可

柰何付之以命曰如命何



處州刺史李君墓誌銘

前人

君諱方玄字景業刑部尚書贈司空貞公長子也貞公事

憲宗皇帝兄弟受寄西集作四鎮在漢南時戰淮西未利監

軍使崔談峻讒言中入為太子賓客後淮西平李光顏移

鄭滑陳許無帥帝閑燕獨言曰勁兵三千集作萬誰可付者

談峻侍則曰有大臣家不三十口俸錢委庫不取小僮跣

足市薪此可乎帝曰誰為者談峻進則集作即以貞公言帝

即日起貞公為陳許帥其儉德服人如此景業少有文學

年二十四一貢進士舉以上第昇名解褐裴晉公奏以秘

書省校書郎校集賢殿秘書聰明才敏老成人爭與之交

後以協律郎為江西觀察支使裴誼觀察判官有殺人獄

法曹官煨集作斷成當死者十二人景業訊覆數日內活十

二人冤人集無尚書以上下考奏裴公移宣城授大理評

軍團練判官後尚書馮公宿自兵部侍郎節鎮東川以監

察御史集無此裏行為觀察判官不以歲御史府取為真

御史分察塩池左藏吏盜隱官錢數十二字集萬獄竟遷

左補闕遇事必言不知其他丞相固言以門下侍郎出鎮

西蜀奏景業以檢校禮部員外郎參節度軍謀事仍賜緋

魚袋徵拜起居郎出為池州刺史始至剏造籍簿民被徭

役者科品高下鱗次比比一在我手至當役役之其未及

者吏不得弄景業賞集作嘗歎曰沈約身年八十手寫簿書

蓋為此也使天下知造籍役民民庶少活復定戶稅得與



豪猾沉浮者凡七千戶。袞入貧弱，不加其賦。堤州南五里，以涉為衢。凡裁減蠹民者十餘事。城東南隅，樹九峯樓，見數千里。鑿齊山北面，得洞穴，怪石不可名狀。刊石於崑下，自紀其事。九四年，政之利病無不為而去之。罷去上道，老氏攀哭。景業季父刑部侍郎建，與貞公以德行文學俱高。一時時之秀雋，半歸李氏門下。景業復聰明少銳，儉苦溫謹，早與長者游，備知天下之所治。嘗慷慨有意於經綸，少在諸侯府，入為朝官，出為刺史。蚤夜勤苦，為學不已。屈指計量，必伸已志。雖時之名士，亦以此許之。罷池廉使，常公溫館于宣城，會易四集作五年四月某日卒于宣城客舍。年四十七。集作三七代祖遠，後周柱國大將軍都督雄。集作熊陝

十六州陽平郡公曾王父琮王綿州昌明令昌明生震集作

此雅州別駕贈左集作右僕射生貞公遜先夫人榮陽鄭氏

贈本縣太君後夫人范陽盧氏男若干女若干人銘曰

顯莫識其端，幽莫見其緒。已乎景業，何付與之多。而奪之何遽，天顏病冉。孔子不知其故於景業乎，杳欲何語。嗚呼哀哉。

校四三十四字

七月初七日



文苑英華卷第九百五十四

文苑英華卷第九百五十五

誌二十一

職官十七

此下六卷英華所編失作者先後今正之

王司馬墓誌一首

張長史承休墓誌一首

呂司戶虔墓誌一首

趙長史墓誌一首

孫司馬嘉之墓誌一首

李司馬墓誌一首

申州司馬王府君墓誌

陳子昂

君諱某字某先太原人也昔周文王有聖人之德甲子受圖至我靈王誕膺丕顯太子晉得鳳凰之瑞恭揖群后上為帝賓綿綿生人作我王氏迨秦有貴剪并吞諸侯晉有渾祥功格帝室至魏集作魏至慧龍為貴種矣十二代祖卓晉常山公主子也始公主湯沐邑在汾陰永嘉淪夷不及南



渡因樹松集作杉檟而結廬焉卒葬于長壽原至今鄉有太

原之號也曾祖亮周開府儀同上大將軍隋信州刺史樽

俎之帥集作師也祖儉隋離石郡守唐石州刺史贈代岳集作

州摠管廣武烈侯杜稷之噐也父諫唐虜部郎中荊州大

都督府司馬尚壁鄜許冀五州刺史加銀青光祿大夫瀆

州都督金水敏侯上柱國節廟之才也敏侯有功於國始

賜土田白茅苴之在鄆之曲因食采今為雄州人君即敏

侯之元子炳靈珍粹輝采幽黃愿而能集作以恭寬而以栗

青衿聞道已光大矣天子立太學所以養賢公子齒上庠

所以觀國君之休烈泉集作淵塞志業雲翔年若干為國子

生某年集作中射策甲科解褐補吳王府參軍事時吳王帝

之愛子國選英僚君三德允彰六行既穆與某郡劉孝孫

首先集作光此舉誦詩三百和淑其仁而醴酒不恭楚筵亦

廢坐除滑州錄事參軍又轉隴州錄事參軍時樂成公劉

仁執以宰相之貴持節此州暖然惟中主諾責下軍機集作

提網未幾群轄載孚劉公坐嘯以為能也舉遷汾州平遙

縣令其地有臺台左傳作駘之怪蟋蟀之人君黃鼎介中鳴琴

不下鍾鼓既考風俗允和帝曰良哉而格我政加朝散大

夫遷岐州扶風縣令若尹翁歸以文武之幹緝熙此邦黃

圖雖寧赤丸未弋君以先集無先字庚斷甲設距投鈎赭裙始

繩堊面咸革丁我敏侯艱遂茹哀苦廬銜恤終紀是歲申

國不理元寮佇才制加朝散大夫授申州司馬屬太夫人



有羸老之疾棄集作去官不之白華增勤絲衣是慕至於朝

哺集作盥夕膳候色承歡瓊瓊齋粟蒸蒸不匱有若楚太子

集作老萊為之嬰兒也嗚呼昊天不弔降此鞠凶太夫人以眉

壽薨時君年已七十二矣禮以飲酒而君絕漿虞以降哀

而君泣血煢煢在疚孿孿棘心集作刺其心新穀未升匪莪已

殞以其年青龍癸巳薨于某里第之正寢孝之終也嗚呼

哀哉昔聖人五十而慕先子謂之至德今君七十二而盡

其哀非敦篤允元深仁淑德者疇能離此哉夫人弘農楊

氏隋內史侍郎丹川公演之女孫也幼有淑德而美令儀

采繁昭華穠荷比秀至於內嚴闡訓外匡君子麟趾以穆

鳴鳴有章誠可道映公宮事宣彤管晚年以儒困集作因未

究冥業唯深遂揭無生之筌將遺有漏之屣嶺潔道行受

蓮華經理極翻三心滅不二形安緣盡歸真化冥歲在丁

酉處順而往始我府君以懸車之歲從負米之勤夫人亦

能肅恭晨昏嚴祗左右夫至行莫大於孝崇義莫顯乎忠

君克勤于家盡力於國形集作刑于妻子至於朝廷夫矜而

不與物或有遠廣而無適義所以比君好謙達禮研機成

務摹其法器無不馴從其政事無不理夫用我者而豈徒

哉嗟乎矜而能廣集作廉利而不浼百行允備三事不偕集作滅

文仲其竊位歟柳下惠其直道歟有子四人長曰某官至

武連縣令先公而卒次子某等肅奉嚴訓景行高山達于

家邦光乎集作于禮樂未號罔極泣血昊天始府君臨終遺

王成



令薄葬。墨龜未食，青鳥不封。權殯于某所，需吉兆也。龍集巳亥，律踰應鍾，金鷄鳴王，狗吠黃腸，密啓丹旄，徐飛始遷神於某原之陽，禮也。青龍在左，朱鳳居前，雙衾共封，二室同穴，珠玉不瘞，丘隴誰傳，刻此金石，以旌後賢。

恒州長史張府君墓誌銘

張說

君諱承休，字某，吳郡吳人也。留侯與漢播美西京，長沙涉集作徙，吳蔽蔓東土，曾祖冲在陳為文帝師，入隋為漢王學士。祖後胤授經，太宗尊之，以為集無祭酒，既封新野，又贈以宗伯考少師位，不克量止於朱陽，宰班固稱世名忠孝。魏武謂積善之家，昌門一絲，嗚呼！我諸族君受天戩，穀傳家業，藝希言敦行，去華崇實，非法不出，非禮不動，精於理物。

敏於政事，初以南郊齋郎補兗州兵曹，丁太夫人憂，廬墓三年，加人一等，再任始州司倉，應八科舉，改鄭州錄事參軍，又舉賢良方正，遷揚府集作州司錄，參軍移蘇州常熟，令歷政皆有能名，加朝散大夫，入為司農丞，實掌錢穀，姦僂息望，使覆囚嶺南，是司獄訟，聽折惟允，乃授濟源令，風行畿甸，河潤洛師，加朝議大夫，上柱國，拜絳集作州司馬，轉

恒州長史，簡而有孚，權而有集作中道，嬰風患集作去職，就

醫還京，春秋六十有二，終於頌政里，夫人成紀郡君天水

秦氏廬陵郡公行師之孫嗣公游福之女，敬事君子，誠訓

諸孤，當代之孟母者集無也，年六十二，終於許州，開元元

年十月某日，合葬於武功之禮讓原，禮也。夫道大難



合仕屯而不進德高者集作有後身沒而福流君同生八人  
 半服銀艾祚胤五子率為珪璋比迹於燉煌六龍南鄭千  
 室德門濟美信有徵乎懼陵谷或遷乃勒銘沈石銘曰  
 思文留侯時惟皇祖長沙南守分幹東土家有道書門傳  
 學府鬼峩我重世通經二主誕靈上詰克廣斯文造次仁義  
 優游典墳孝乎事親忠乎事君荷那叔父亦足有云

玄州司戶呂君墓誌銘

前人

君諱虔字某其先東平人也堯之太岳始封呂侯周之太  
 師實表齊國河西則霸王繼氏集作代關東則承三聯華近  
 徙河間是稱右族大父贊隋幽州都督府長史考師滄州  
 清池令並振羽儀馳聲郡集作都邑公孝弟天至禮樂泯成

千里聞騏驥之才五都重琅玕之價壯士行去樹勳於塞  
 垣君子居之何陋於蕃郡以上柱國為玄州司戶參軍積  
 善襲於家風餘慶流於身後享年若干而卒夫人清河縣  
 太君傅氏四德爰為備六行聿脩始則賓於冀妻終乃訓成  
 孟母春秋若干而終開元十四年某月合葬於州城西南  
 里之平原禮也我有令子職司馬於小山我有淑孫偶乘  
 龍於大樹榮哀之事于茲畢矣銘曰

堂堂呂公休有令德穆穆傅母順成內則兩譽齊振雙儀  
 不慝集作式景行山東風流河北有生必謝誰能獨存神寧

故里合葬中集作平原劔暗泉室松寒墓門勒銘沈礎萬古

何言



許州長史趙公墓誌銘

張九齡

公諱某字某天水隴西人其先受賜于周所食者趙下逮

襄子大為諸侯至集作于謀孫克用保國有功有伐無代

無之曾祖某隋尚書左右僕射淮安集作郡公祖某金紫

光祿大夫殿中監贈工部尚書武強公父某符璽集作即

皆發聞馨香世祚蕃衍不高位者則人望焉公惇師舊業

名廸恭集作懿包君子大雅之量有古人獲心之實修詞

以達其道則質文相半履行以顧其言則剛柔並克弱冠

以門子調補湖州叅軍轉相州司兵叅軍學以入官思不

出位格言清論始誦今行屬太上皇養德在藩擇賢為吏

公首其舉王曰爾諧於是引為相王府戶曹叅軍轉法曹

叅軍及龍德既享鶴鳴有應往而利見縻以好爵乃授朝

散大夫雍州錄事叅軍綱領諸曹罔有不率秩滿除洛州

伊闕令事舉其中歛從其薄惠小鎮大狗公戒私政之在

人今而遺愛俄遷徐州司馬未幾轉陝州司馬許州長史

千里將聘六轡斯柔得之自心動而中節故其四叅州事

再入府察一宰畿邑三為郡佐莫不所居而績宣其用所

去而頌因其跡豈伊苟然厥繇尚矣開元八年春二月疾

車乙丑終于官舍春秋若干某年冬十有一月庚午歸葬

夫人崔氏柎焉公自然淡泊不屑勢利守道貞固與命推

遷故歷年多所移官數四不過叅佐而已豈亦直道之云

乎然而卑以自牧約而能濟推厚居薄內安其仁急病讓

大范在八卷



夷外多其義不曰君子其能爾乎有子曰令言次日令則泣血加人抑情就禮哀懇窀穸之事恭惟先君之德驗之所履附之斯文以傳無窮以慰罔極銘曰

猗嗟令德寬仁合道景行行之風流肆好名取公器為身

善寶集作善為身寶志所以立政所以宣入官惟允蒞事其然是

儀是式不忘不愆今也終古後之克祚子孫禋祀春秋霜

露茫茫九原斯焉求慕

宋州司馬先府君墓誌銘

遜述

府君諱嘉之字某魏郡武水人也故屬安樂蓋齊大夫書

之後至晉長秋卿道恭有子曰顓避地河朔後世居焉顓

五世孫魏光祿大夫惠諱為本朝大儒自時厥後不隕其

業公即光祿玄孫也曾祖孝敏隋大業中并州晉陽縣令

所居之聚聊設衡關至疑為晉陽里祖仲將皇朝鄆州壽

張縣丞父希莊皇朝韓王府典籤自晉陽至府君四世而

傳一子故五服之內無近屬焉府君四歲而孤無所怙恃

外祖劉士傑因官居于潞之涉縣府君自幼及長外族焉

依克自激昂允迺前烈弱冠以文章著稱因此遊太原涉

西河以觀陶唐之風河汾之間有盛名矣垂拱載初之際

始詣洛陽獻書闕下極論時政言多抵忤所如不合遂投

跡太學託名常調天冊中以進士擢第與崔日用蘇晉俱

為考功郎中李迥秀特所標賞又視初預拔萃與邵晁齊

澣同昇甲科解褐蜀州新津縣主簿又補河南府緱氏縣

朱牛



尉改王屋縣主簿府君少好攝生之術自王屋授訣於司馬先生便欲罷官學道而官微祿薄曰疑門無儲宗黨孤恥無所仰給繇是願效六百石長吏馬歷洛州曲周宋州襄邑二縣令秩滿之後遂絕跡人世屏居園林怡神太和以適初願居數歲秩疑長子某拜中書舍人實掌絲綸皇上以府君有義方之訓特授朝散大夫宋州司馬仍聽致仕手詔褒美親族榮之享年八十三以開元二十七年四月二十四日棄背於東都集賢里之私第府君性聰明而志高邈學該百氏而不爲章句文窮三變而充工氣質早有大名晚從卑位於是知命之不偶道之不行隨時委運澹然無營而疇昔輩列平生雅故當軸處中者多矣蓋未

嘗跬足而近之恬於勢利乃如此也然所蒞之職必悉心爲政不以小而易之人到于今遺愛矣爾其閨門之教子孫之謀猷之必遠誨則無倦萬石不假於誚讓太丘惟聞於遵疑誘保又於後無慙古人夫人廣平宋氏蒲州安邑縣令斌之孫滑州司士叅軍郁之女淑德賢行深慈至柔有子四人皆著名於詞學有女六人俱涉跡於圖史非獨府君之善訓亦有夫人之內則焉享年六十以開元十年十一月二十三日先棄背於河陽別業逖適遘迨等遭天不憖遺降此鞠凶創鉅以深荼蓼又集求惟宅兆未立精靈未安猶力厓瘞尚存餘喘即以府君遠世之年八月十二日遷厝于卽山陶村之西原合柩焉禮也北據岡阜南



瞻城闕一以託州原之勝勢一以近庭闈之故居諸孤等亦願朝奠几筵暮掃松柏往來密邇以宣哀懷伏惟尊靈安此真宅小子痛極豈復能文泣血書事言多失緒其詞曰  
惟先府君不隕厥問克惟厥訓惟先夫人慈範是經柔德是程昊天罔極曷其報德敢述舊聞言豈為飾

揚州司馬李公墓誌銘

李華

公諱某字某趙郡高邑人也在昔咎繇謨明文元道德武安之功秦人息甲廣武之畧淮陰東西疑作魏則中書為臣齊則常侍叅佐命丞動隣邦明詰于周隋水部才冠時倫訓迪于忠孝國朝則蒲州之仁政趙州之懿德趙州生

晉陽尉諱某道崇位卑鍾慶身後官婚人物為山東上族五百餘年矣公少孤以經明行脩登第直崇文館授雍位尉屬國家升中秦山縣當馳道徵責萬計臨事無違居至卑而不拆當大務而不撓外兄許公蘇尚書邇特親重之秩滿考六經覽群書手抄二百卷觀其大一作義歷交城尉無何丁內艱柴毀終禮授榆次尉裴尚書伯先為太原尹廉察河東引公在幕賢者知勸不仁者懼既而從調朝廷詔有司精求令長公以崇壁之咨鍾彝之重屈為蕭令邑臨古汴之衝每歲為害公因租之集兩稅一石置於水濱治之為防水不敗稼蕭人賴之徐方歌之則政之利人餘可知也選授太原府法曹叅軍事大都阜殷囂訟填積



公鏡其詐實皆叶身中太原王之北門枕扼夷夏屬狂胡首亂悉衆來攻公撫弦登陴左右軍師完城池潰凶醜有力焉詔加朝散大夫遷太子洗馬拜右諭德進階正議大夫東宮圖書亡逸有司命公留北部蒐訪焉淮南節度故相崔尚書圓表公爲揚州右司馬將任以州政方祖道違厲而終享年六十六廣德二年六月十三日也長子規前刑部員外郎兼侍御史次子觀故沂州沂水縣丞次子觀故太原府榆次縣尉次子峴前汾州平遙縣丞幼子觀前左監門衛率府兵曹參軍事泣血茹悲哀號萬里求仁者之助於江湖奉迎裳帷於太原歸安洛汭禮罔不備某年月日突於某原禮也規有公遺風國之才臣嘗爲晉州吏職中外宣力王室聞於天下公其不亡矣公有文有武簡而能肅不伐其勞推其美於人神明質高疑如山孤味道於老莊還性於禪惠每涉危必免阡患無傷冥然禮順疑若靈助蓋德之所至者也嗚呼位不尊壽不遐時耶命耶華於公諸從鴈行爲公所知感規之孝祗述盛烈以慰諸孤之心其銘曰

貴爲侯伯來日赫赫百夫之特所稱者德神錫純嘏道無違者淮南鎮揚爲右司馬嘗蒞蕭人蕭人以淳嘗掾太原功宣北藩艾綬銀章大夫之尊春秋匪懈榮於寢門宜其永世天胡降戾仁而有子哀號萬里維嵩之隅維汾之涘我卜我筮壽宮脩止與天無期寧極於斯子孫百代拜手



於斯

文苑英華卷第九百五十五

校正十字

七月初六日

